



## UPM Dan La Trobe University Meterai Persefahaman



*Timbalan Naib Canselor Akademik & Antarabangsa, UPM Prof. Datin Paduka Dr. Aini Ideris bertukar dokumen MoU dengan Timbalan Naib Canselor LTU, Professor John Rosenberg.*

**SERDANG, 11 Nov** – Demi mendedahkan pelajar dengan institusi bereputasi antarabangsa, La Trobe University (LTU), Australia yang berada di tangga 241 QS Top Universities 2009 telah menjalin persefahaman (MoU) dengan Universiti Putra Malaysia (UPM).

LTU berminat untuk menjalinkan kolaborasi dengan UPM menerusi aktiviti pertukaran pelajar dan staf untuk memberi pendedahan dari aspek kesenian, budaya, kemasyarakatan dan sosial serta pentadbiran kerajaan Malaysia dan Australia selain bertukar-tukar pandangan mengenai isu global dengan para peserta dan pensyarah.

MoU tersebut sebagai inisiatif fasa pertama kerjasama UPM-LTU bagi membolehkan kedua-dua institusi menggerakkan program pertukaran pelajar jangka pendek berciri budaya yang dinamakan *UPM-LTU Cultural Exchange and Study Program (UPM-LTU CESP)*.

UPM-LTU CESP merupakan program pertukaran pelajar dua hala yang dijalankan selama 14 hari dan melibatkan 10 pelajar dari setiap institusi.

Pada upacara menandatangani MoU yang diadakan di Bangunan Pentadbiran, UPM diwakili oleh Timbalan Naib Canselor Akademik dan Antarabangsa, Prof. Datin Paduka Dr. Aini Ideris dan Pengarah Bahagian Antarabangsa, Prof. Madya Dr. Zelina Zaiton Ibrahim.

Sementara LTU yang diwakili oleh Canselor LTU, Sylvia Walten A.O dan Timbalan Naib Canselor LTU, Professor John Rosenberg turut bersetuju untuk menawarkan biasiswa kepada tutor di UPM yang ingin melanjutkan pengajian di La Trobe University.



*Delegasi La Trobe, University bergambar kenangan bersama wakil-wakil UPM.*

**Berita ini disediakan oleh Seksyen Media, Publisiti dan Penerbitan UPM.**